



Bosna i Hercegovina
Federacija Bosne i Hercegovine
Kanton Sarajevo



adresa: Vrbavska bb, tel/fax + 387 33 65 88 83, + 387 33 65 88 81;

e-mail: juosaneks@gmail.com

Djelovodni broj: 02-776/25
Datum: 02.07.2025. godine

Na osnovu člana 115. Zakona o odgoju i obrazovanju i u osnovnoj i srednjoj školi u Kantonu Sarajevo ("Službene novine Kantona Sarajevo", br. 27/24) i člana 87. stav 1. Pravilnika o realizaciji škole u prirodi, izleta, studijskih putovanja, ekskurzija, kampiranja/logorovanja, društveno-korisnog učenja i drugih oblika odgojno-obrazovnog rada u osnovnoj i srednjoj školi ("Službene novine Kantona Sarajevo, br. 34/24) Nastavničko vijeće JU OŠ "Aneks" Sarajevo, na sjednici održanoj dana 23.6.2025. godine, utvrđuje i usvaja

**ETIČKI KODEKS PONAŠANJA
U ORGANIZACIJI I REALIZACIJI IZLETA UČENIKA
OŠ „ANEKS“
ŠKOLSKA 2025/2026. godine**

I UVOD

1. Etički kodeks predstavlja skup načela, prava i obaveza kojima se određuju međuljudski odnosi svih učesnika izleta, ekskurzija, kampovanja/logorovanja, društveno korisnog rada, Škole u prirodi, Škole plivanja, studijskih posjeta. Etički kodeks predstavlja skup zajedničkih vrijednosti društveno prihvatljivih oblika ponašanja koje neposredni faktori odgojno- obrazovnog rada uvažavaju u svom djelovanju.
2. Cilj etičkog kodeksa je poticanje razumijevanja i prihvaćanje temeljnih načela moralno opravdanog ponašanja i njihovu primjenu.

II PRAVILA I OBAVEZE PONAŠANJA UČESNIKA IZLETA

1. Učenici

- a) Učešće učenika u realizaciji izleta se zasniva na principu dobrovoljnosti, a finansira se sredstvima roditelja.
- b) Za učešće učenika u realizaciji izleta roditelji učenika moraju dati pismenu saglasnost, u suprotnom učenik ne može učestvovati njegovoj realizaciji.
- c) Učenici su obavezni da poštuju druge učenike, nastavnike, vođu puta, vozača i druga lica sa kojim stupaju u komunikaciju.
- d) Učenici su dužni i obavezni da prate i učestvuju u svim aktivnostima tokom realizacije izleta;
- e) Tokom realizacije izleta učenici su dužni i obavezni da se ponašaju pristojno i na društveno prihvatljivi način (i za vrijeme putovanja i tokom realizacije aktivnosti).
- f) Zabranjen je bilo koji oblik neprihvatljivog ponašanja (guranje, štipkanje, udaranje, verbalno vrijeđanje, fizičko nasilje, psovanje, seksualno uznemiravanje i dr.)
- g) Učenici su dužni i obavezni da vode računa o ličnim stvarima (prtljag, novac, mobitel, foto aparat, nakit i druge vrijedne stvari).
- h) Učenici treba da pažljivo postupaju i da paze da ne oštete ličnu i imovinu drugih učesnika ili inventar u ugostiteljskim objektima, autobusa i slično.
- i) Učenici, a posebno učenice treba da se pristojno oblače, te da vode računa o urednosti i ličnoj higijeni.
- j) Zabranjeni su odlasci na neprikladna i osamljena mjesta;
- k) Zabranjeno je konzumiranje duhana, alkohola i opojnih sredstava.
- l) Zabranjeno je udaljavanje i osamostaljivanje učenika bez odobrenja nastavnika ili vođe puta.
- lj) Nije dozvoljen bilo koji vid uznemiravanja ostalih učesnika, a koji pridonosi stvaranju

- neugodnih i neprijateljskih odnosa, zastrašivanja, vrijeđanja i ponižavanja.
- m) Po povratku sa izleta učenici su obavezni da ponesu sve svoje lične stvari;
 - n) Učenici su dužni da se ponašaju odgovorno, da budu tačni i ispunjavaju svih zadatih obaveza;
 - nj) Po povratku sa izleta učenici će sav otpad ponijeti sa sobom ili će zajedničkim aktivnostima pod nadzorom razrednika, a na nivou odjeljenske zajednice, sakupiti sav otpad i odložiti ga na mjesto predviđeno za odlaganje otpada.
 - o) Kod realizacije izleta u prirodi učenici su dužni da se odgovorno i savjesno odnose prema prirodnim ljepotama, da ne uništavaju biljke, ne ugrožavaju život životinja, ne bacaju smeće, ne pale vatru, ne uništavaju klupe i mjesta predviđena za odmor, da ne konzumiraju nepoznate biljke, plodove i gljive, a bez upute nastavnika.
 - p) Učenici imaju pravo i obavezu da učestvuju u evaluaciji rada zaposlenika i evaluaciji uspješnosti izleta;
 - r) Zabranjuje se stupanje u komunikaciju sa nepoznatim osobama, uzimanje bilo kakvih sredstava ili predmeta od nepoznatih lica ili ulazak u lični automobil;
 - s) Učenici imaju pravo da budu upoznati sa Etičkim kodeksom na časovima odjeljenske zajednice ili časovim redovne nastave i obavezu ponašanja u skladu sa istim.

2. Nastavnici, vođa puta i ostali zaposlenici škole

- a) Nastavnici, vođa puta i ostali zaposlenici škole su dužni da vode brigu o učenicima, njihovoj bezbjednosti i zdravstvenom stanju.
- b) Nastavnici, vođa puta i ostali zaposlenici škole su dužni da zaštite učenike i ne dozvole nepoželjni uticaj drugih osoba (navođenje na konzumiranje duhana, alkohola, opojnih sredstava ili drugi oblik neprihvatljivog ponašanja)
- c) Nastavnici, vođa puta i ostali zaposlenici škole su dužni da spriječe bilo koji oblik neprihvatljivog ponašanja učenika.
- d) Odnos nastavnika, vođe puta i ostalih zaposlenika škole prema učenicima i drugim učesnicima mora biti profesionalan, nepristrasan i pristojan.
- e) Nastavnici, vođa puta i ostali zaposlenici škole se trebaju ponašati u skladu sa načelom jednakosti i pravednosti prema svim učenicima.
- f) Od nastavnika, vođe puta i ostalih zaposlenika škole se očekuje odgovorno, savjesno i etički besprijeorno ispunjavanje svih obaveza prema učenicima i ostalim učesnicima izleta.
- g) Nastavnici, vođe puta i ostali zaposlenici škole su dužni i obavezni da osiguraju tajnost podataka o zdravstvenom stanju i drugim specijalnim potrebama učenika, poštujući njihovu privatnost.
- h) Zabranjeno je konzumiranje alkohola i opojnih sredstava nastavnicima, vodi puta i drugim

zaposlenicima škole.

- i) Nastavnici, vođa puta i ostali zaposlenici su dužni da se ponašaju odgovorno i da komuniciraju na očekivan način.

3. Roditelji/staratelji učenika

- a) Roditelj /staratelj ima pravo da bez bilo kakve prisile odluči o učešću njegovog djeteta u realizaciji izleta;
- b) Roditelj /staratelj ima pravo da na roditeljskom sastanku bude obaviješten o izboru najpovoljnije ponude, sadržaju aktivnosti, mjestu realizacije izleta.
- c) Roditelj /staratelj je obavezan da da pismenu saglasnost kojom prihvata uslove putovanja, program putovanja i daje saglasnost za učešće njegovog djeteta u izletu.
- d) Troškove realizacije izleta finansiraju roditelji/staratelji učenika.
- e) Roditelji/staratelji su dužni da blagovremeno upoznaju razrednika ili druge nosioce oblika odgojno-obrazovnog rada o zdravstvenom stanju, sklonostima učenika ili nekoj drugoj specijalnoj potrebi učenika, te eventualno o terapiji koju učenik koristi.
- f) Odnos roditelja/staratelja prema nastavnicima, vođi puta i ostalim zaposlenicima škole treba da bude tolerantan, pristojan i uvažavajući, a s ciljem ostvarivanja dobrobiti za dijete.
- g) Roditelji su obavezni da nadoknade troškove, ukoliko učenik prouzrokuje štetu tokom realizacije bilo kojeg oblika odgojno-obrazovnog rada;
- h) Roditelji/staratelji su dužni da poštuju ličnost učenika, nastavnika, vođe puta i drugih zaposlenika škole, da ih ne vrijeđaju, uznemiravaju ili diskriminišu po bilo kojem osnovu.
- i) Roditelji/staratelji imaju pravo učešća u predlaganju sadržaja Izvedbenih planova i programa, a preko Vijeća roditelja.
- j) Roditelji/staratelji imaju pravo da budu upoznati sa Etičkim kodeksom na roditeljskim sastancima.

4. Organizator (Škola samostalno ili u saradnji sa Turističkom agencijom)

- a) Organizator i vozači autobusa su dužni da poštuju ličnost učenika, nastavnika, vođe puta i drugih zaposlenika škole, da ih ne vrijeđaju, uznemiravaju ili diskriminišu po bilo kojem osnovu.
- b) Odnos zaposlenika Organizatora izleta i vozača autobusa prema učenicima, nastavnicima, vođi puta i drugim zaposlenicima škole mora biti profesionalan, pristojan, uvažavajući.
- c) Autoprevoznik i Organizator izleta je obavezan da preduzme sve aktivnosti na obezbjeđenju sigurnog i bezbjednog putovanja (tehnička ispravnost autobusa, starost autobusa, psiho-fizičko i zdravstveno stanje vozača)

III PRAVILA MEĐUSOBNE KOMUNIKACIJE

- a) Svi učesnici izleta su dužni i obavezni da se ophode uljudno i da poštuju jedni druge;
- b) Zabranjena je svaka vrsta uvreda, psovki, omalovažavanja, vrijeđanja među učesnicima oblika odgojno-obrazovnog rada ili upotreba fizičkog nasilja;
- c) Zabranjena je bilo koja vrsta diskriminacije i neprijateljstava među učesnicima izleta;

IV VRIJEME REALIZACIJE AKTIVNOSTI

- a) Sve aktivnosti na realizaciji izleta uključujući i prijevoz moraju biti realizovane tokom dana;

V TAJNOST PODATAKA

- a) Obaveza Organizatora je da osigura tajnost podataka o zdravstvenom stanju i drugim specifičnim potrebama učenika;

VI ZABRANA OSAMOSTALJIVANJA

- a) Zabranjuje se osamostaljivanje učenika od grupe učenika i nastavnika, a bez dozvole i odobrenja nastavnika, vođe puta i drugih zaposlenika škole;
- b) Zabranjuje se osamostaljivanje vozača, nastavnika, vođe puta, drugih zaposlenika škole sa manje od tri učenika;
- c) Zabranjeno je učenicima da posjećuju neprikladna i osmaljena mjesta;

VII ZABRANA DISKRIMINACIJE I UZNEMIRAVANJA

- a) Zabranjen je bilo koji oblik diskriminacije učenika i drugih učesnika izleta prema vjerskoj, nacionalnoj, spolnoj, rasnoj osnovi, tjelesnom izgledu, zdravstvenom stanju ili bilo kojoj drugoj osnovi;
- b) Učesnici izleta ne smije biti podložni predrasudama koje mogu dovesti do neobjektivnosti i diskriminacije;
- c) Zabranjen je svaki oblik uznemiravanja drugih učesnika. Pod uznemiravanjem se podrazumijeva svaki verbalni, neverbalni ili fizički čin koji drugu osobu zastrašuje, vrijeđa, ponižava.
- d) Zabranjen je bilo koji oblik seksualnog uznemiravanja, a podrazumijeva se neželjeno upućivanje verbalnih ili fizičkih prijedloga seksualne prirode drugoj osobi, iznošenje seksualno obojenih šala i opaski ili bilo koji drugi oblik ponašanja koji je seksualno obojen;

VIII ZAVRŠNE ODREDBE

- a) Škola ima obavezu upoznati sve faktore/učesnike izleta sa Etičkim kodeksom;

- b) Kršenje odredbi Etičkog kodeksa bilo kojeg oblika odgojno-obrazovnog rada iz Pravilnika predstavlja osnov za pokretanje disciplinskog postupka za prekršioce (učenike i nastavnike), odnosno jedan je od razloga za neispunjavanje minimalnih kvalifikacijskih zahtjeva za Agencije – ponudače.

Etički kodeks usvojen na sjednici Nastavničkog vijeća OŠ „Aneks“ održanoj 23.06.2025. godine.

Predsjedavajući Nastavničkog vijeća:

Haris Puteš

